

ters Haus/ Den Lazarum zu Brüdern mein/ Das er in sag mein
Noth vnd Pein.

Abraham sprach: Sie habn Gottes Wort / Mosen vnd die
Propheten dort/ Laß sie die hörn mit allem fleiß/ Das ist die aller-
beste weiß.

Ach nein/sprach der elende Mann / So jemand wüß vom
Tod auffstahn/ Vnd in solchs alles zeigen an/ So würden sie sich
Lehren dran.

Nein sprach Abraham/ wer veracht/ Gottes Wort / vnd der
Propheten lacht/ Der gleubt auch keinem Todten nit/ So er auff-
stünd vnd in bericht.

Das Exempel hat fürgestellt/ Vns Christ der H E X X / dem
sehr mißfelt/ Wenn man zuschleust die milde Hand/ Dem dürffti-
gen in vnserm Land.

Ach was hilfft nun dem reichen Mann/ Sein Gut vnd Geld/
drumb kert euch dran/ Die jr so geizt/ wuchert vnd scharrt / Thut
Buß/ vnd nicht darinn verharret.

Ir Reichen nemet euch an der Noth/ Der Armen/ denn drumb
gibts euch Gott/ Was jr den Armen guts werdt thun / Das wil
euch zahlen Gottes Sohn.

Herr Christ/ verleihe vns in Armut/ Vnd Creutz gedult vnd
sanfften Muht/ Vnd tröst all arme Lazaros/ Vnd hilff in bald in
Abrahams Schoß.

Am 2. Sonntag nach Trinitatis, Euangelium Luc. 14.

Nach vorgehender Melodia vnd Composition.